



RI AMMON, JUN NIMALEJ SAMAJEL

TANAJ 17




Ri Ammon, ja rija' jun chique ri ruc'ajol ri Mosia. Ri caji' ruc'ajol ri Mosia xebe pa tak tinamit chuch'abalixic ri utzilej rutzijol chique ri Lamani'. Alma 17:4-8, 18-20




Ri Nefi'i' man nika' ta chiquivech ri Lamani'. Rije' xquixim ri Ammon y xquic'uj chuvech ri rutata'al ri quitinamit.

Alma 17:20-21




Ri rutata'al ri tinamit rubini'an Lamoni. Rija' xuc'utuj chire ri Ammon achique roma petenek chupan ri rutinamit.

Alma 17:22



Ri Ammon xubij chi nrajo' nic'oje' na chiquicojolil ri Lamani'. Rija' nurayij xoc jun rusamajel ri Lamoni.

Alma 17:23-25



Ri Ammon xka' chuvech ri Lamoni, ri rutata'al ri tinamit. Ri rusamajela' ri Lamoni xquisol ri Ammon. C'ari', ri Ammon xoc ri rusamajel ri Lamoni. Alma 17:25



Ri rusamaj ri Ammon jari' yuk'unel richin rucarne'l ri rutata'al ri tinamit.

Alma 17:25




Jun k'ij ri carne'l xe'uq'uiya'. Jun ca'i' oxil itzel tak Lamani' xecokotaj el ri carne'l. Xquirayij xequelek'aj ri carne'l.

Alma 17:26-27; 18:7




Ri samajela' xquixibij qui' roma xequiratej el ri rucarne'l ri Lamoni, ri rutata'al ri tinamit.

Alma 17:28




Ri Ammon xubij chique chi man tiqixibij qui'. Xubij chi xaxe quequibenima' pe ri carne'l.

Alma 17:29-31




Man xeyaloj ta richin xequil ri carne'l. C'ari' xequiq'uen chic pe jun bey chuchi' ri ya'.

Alma 17:32



Ri itzel tak achi'a' xepe chiquelek'axic ri carne'l jun bey chic. Ri Ammon man xuya' ta k'ij chique.

Alma 17:33-34



Ri itzel tak Lamani' man xquixibij ta qui' chuvehch ri Ammon. Rije' xquinojij chi yeti-quir niqicamisaj.

Alma 17:35




Pero ri Ammon ruc'uan ri ruchuk'a' ri Dios. Xeruq'uek che abej riq'uin jun iquiek' y xerucamisaj jun ca'i' oxi' Lamani'.

Alma 17:35-36, 38



Ri Lamani' xquitij quik'ij richin xquicamisaj ta ri Ammon quiq'uin ri nimalej tak quiche'. Pero rija' xuchoy el ri quik'a'.

Alma 17:36-37



Ri Dios xuben chi nim ri ruchuk'a' ri Ammon. Ri itzel tak achi'a' xquixibij qui' y x'animej el chuvehch.

Alma 17:37-39




Ri rusamajela' ri Lamoni xquimey ri ruchuk'a' ri Ammon. Rije' xequic'uaj ri quik'a' ri Lamani' chuvehch ri rutata'al ri tinamit.

Alma 17:39




Ri Lamoni janila xumey. Rija' man xunimaj ta chi quere' ruchuk'a' jun achin.

Alma 18:1-2



Ri Lamoni xurayij xutz'et ri Ammon, pero xuxibij ri'. Xunojij chi ri Ammon ja rija' ri Dios.

Alma 18:11



Ri Ammon xpe riq'uin ri rutata'al ri tinamit. Ri Lamoni man retaman ta achique xtubij chire ri Ammon. Xyaloj jun hora man xch'o ta ri Lamoni.

Alma 18:14




Ri Uxlaxixel xuto' ri Ammon richin xretamaj achique ri nunojij ri Lamoni. Ri Ammon xubij chi man ja ta rija' ri Dios. Xubij chi rija' xa jun achin.

Alma 18:16-17



Ri Lamoni xrajo' xretamaj achique modo tok janila nim ri ruchuk'a' ri Ammon. Ja c'ari' tok ri Ammon xutijoj rija' chire ri Dios y chuka' chire ri Jesucristo.

Alma 18:18-39



Rija' xutzijoj chire ri Lamoni ri tz'ibatajinek chiquivech ri xaxilej tak k'ana ch'ich' y ri xaxilej tak c'ako'j ch'ich'. Ri Lamoni xunimaj ri xubij ri Ammon.

Alma 18:36-40




Ri Lamoni xch'o riq'uin ri Dios. Rija' xurayij chi xcuyutej ta ri rumac. C'ari', xtzak pan ulef.

Alma 18:41-42



Ch'aka' vinaki' xquinojjij chi caminek chic. Ri rixjayil ri Lamoni xuc'utuj chire ri Ammon chi tubeto' na ri Lamoni.

Alma 18:43; 19:1-5



Ri Ammon retaman chi ri Lamoni xa man caminek ta. Retaman chi ri Dios najin chu-to'ic ri Lamoni richin nretamaj ri kitzij.

Alma 19:6




Ri Ammon xubij chi ri Lamoni xtiyacatej ru-ca'n k'ij. Ri rixjayil ri Lamoni xunimaj ri xubij ri Ammon.

Alma 19:7-10



Ruc'an k'ij, ri Lamoni xyacatej. Rija' xubij chi xutz'et ri Jesucristo. Can retaman chi q'ues ri Ajaf.

Alma 19:12-13



Ri Lamoni xerutijoj ri ruvinak chire ri Dios. Ch'aka' xquinimaj, y ch'aka' xa man xquinimaj ta. Ri Ammon chuka' xerutijoj ri vinaki' chire ri Dios.

Alma 19:31-35



Ri vinaki' ri e nimayon, xekasex chuxe' ya' richin xe'oc chupan ri Ruk'ataj ri Dios.

Alma 19:35-36